



# **Universitätsbibliothek Paderborn**

**Exhortationes|| Ad|| Religiosos**

**Dirckinck, Johann**

**Coloniæ Agrippinæ, 1704**

1. Domus Sapientiæ Eucharisticæ, innititur 4. columnis, Veritate Divina,  
Potentia, Sapientia & Benignitate. Thema. Caro mea verè est cibus. Joan.  
6.

[urn:nbn:de:hbz:466:1-51834](#)

PRO FESTO CORPORIS CHRISTI,

## EXHORTATIO I.

DE SS. SACRAMENTO ALTARIS,

TANQUAM MYSTERIO FIDEI.

Confirmat veritatem ejus contra Hæreticos.

THEMA.

*Caro mea verè est cibus; Sanguis meus verè est potus. Joan. 6.*

A pientissimus Regum Salomon Proverbiorum 9. 1. describit parabolice domum & convivium Sapientie, dum ait: *Sapientia adificavit sibi domum; excidit columnas septem; miscuit vinum; & proposuit mensam suam.* Per hanc Sapientie dominum ali cum S. Gregorio 22. Moral. c. 15. intelligunt Ecclesiam & per septem columnas septem Sacramenta: alii cum S. Athanasio, S. Gregorio Nysseno & S. Augustino L. 17 de Civ. c. 20. per dominum Sapientie, accipiunt corpus Christi, quod in Incarnatione Sapientia increata sibi adificavit; & per septem columnas septem dona Spiritus sancti. Alii cum S. Chrysostomo in Psalm. 22. S. Ambroso L. 1. de fide c. 7. S. Cypriano L. 2. Epist. 3. ad Cæciliūm, Beda & S. Thoma interpretantur hunc locum de triclinio & convivio Eucharistie; quibus Ecclesia

consentit; quæ in officio de Venerabili Sacramento, à D. Thoma compsite, laudes auspicatur ab hac prima Antiphona: *Sapientia adificavit sibi Domum, miscuit vinum & posuit mensam, alleluja.*

Deinde Sapientia increata, que hanc dominum adificavit, ac mensim, vinumque propositum, humanissime, invitat, ad hanc dominum & convivium: *Venite comedite panem meum; & bibite vinum quod miscui vobis. ¶ 3. Si quis est parvulus ( humilis ) veniat ad me. ¶ 4.*

Quare ut nos vivaciore fide, firmiore spe, & ardentiore charitate ad hanc Sapientie dominum & triclinium accedamus; & columnas seu fundamenta, quibus hac Domus innitur, scilicet Divinam Veritatem, Sapientiam, Potentiam & Benignitatem exponi mus.

I. Columna 1. seu fundamentum cui hæc Domus innitur, est Dei veritas, seu veracitas; quæ falli & fallere non possit: *¶ 1.*

nequit: Ego sum via, veritas & vita, sit Christus Joan. 14. Veritas prima, summa, aeterna; jam sic licet discurrere: quod Christus prima, summa, & aeterna Veritas afferit, est verum, & nequit esse falsum: atqui Christus prima, summa & aeterna Veritas afferit, corpus & sanguinem suum esse in sanctissimo Sacramento; ergo est verum & nequit esse falsum. Propositio clara est; alioquin nulla erit in mundo veritas. Allumptio probatur testimonio quatuor Evangelistarum. 1. S. Matthæus c. 26. scribit: Christum in manus accepisse panem ac dixisse: *Accipite & comedite. Hoc est corpus meum. Et accipiens calicem, gratias egit & dedit illis dicens: Bibite ex hoc omnes; hic est enim sanguis mens novi Testamenti, qui pro multis effundetur in remissionem peccatorum.* 2. Idem testatur S. Evangelista Marcus c. 14. *Et manducans illis, accepit IESUS panem & benedicens fregit & dedit eis & ait: Sumite, hoc est corpus meum. Et accepto calice, gratias agens dedit eis & hiberunt ex illo omnes & ait illis: Hic est sanguis mens novi Testamenti, qui pro multis effundetur.* 3. His duobus adiutipulatur S. Evangelista Lucas c. 22. ita scribens: *Et accepto pane gratias est & fregit, & dedit eis, dicens: Hoc est corpus meum, quod pro vobis datur; hoc facite in meam commemorationem. Similiter & calicem postquam canavit dicens: Hic est calix novum Testamen- tum in sanguine meo, qui pro vobis fundetur.* 4. S. Apostolus & Evangelista Joannes, qui post alios Evangelium scripti; videns tres Evangelistas sat

clarè & accuratè institutionem sanctissimi Sacramenti descripsisse, hoc loco de eo referre supersedit. Clarè tamen recenset promissionem Christi de hoc Sacramento instituendo; dum ait, cum dixisse: *Caro mea verè est cibus, & Sanguis meus verè est potus: & nisi manducaveritis carnem Filiī hominis, & biberitis ejus Sanguinem; non habebitis vitam in vobis. Et panis quem ego dabo, caro mea est pro mundi vita.* Joan. 6. Enquatuor tellest omni exceptione maiores; si jam *In ore duorum vel trium testium fiat omne verbum.* Matth. 18. Res confecta est. Ergo verum est Christi Domini Corpus & Sanguinem contineri in SS. Sacramento.

Ubi nam, obsecro, legimus in Scripturis Divinis contradictorium? ubinam scriptum: Hoc non est Corpus meum: hic non est Sanguis meus? vel Hac est figura, hoc est signum vel symbolum corporis mei? nullibi sane: unde manet in possessione veritas catholica; & genuinus verborum sensus, quem à Christo hausere Apostoli, ab Apostolis eorum discipuli, ab his quotquot Christiani fuere in primo saeculo: idem credidere, quotquot vixerunt secundo saeculo, ut testantur Sancti Iustini & Irenaeus. Idem creditum fuit in tertio saeculo; ut referrunt Tertullianus & S. Cyprianus in serm. de Cœna Domini. Idem creditum fuit in quarto saeculo, ut scribunt S. Cyrilus Hierosolym. cathech. 4. mystag. Idem creditum fuit quinto saeculo, ut testatur S. Augustinus & alii, atque ita per omnia saecula usque ad

K 2      hoc

hoc præsens probare possemus. Primi qui hanc veritatem non credidere fuerunt Capharnaïtæ, qui interroga-  
bant: *Quomodo hic potest nobis suam carnem dare ad manducandum?* dicens  
est hic sermo. Joan. 6. Existimabant enim, ē manducatores carnem Christi,  
eamque dentibus commoliuitos, quemadmodum alias carnes comedimus: sed hos Christus ipse refutavit:  
*Caro (Sic comedit ut vos imaginamini) non potest quidquam: Spiritus est,*  
*qui vivificat: modus manducandi est spiritualis.* Post hos, catholica ve-  
ritas manuit indisputata fere ultra  
mille annos, donec Anno 1550, pri-  
mus haec veritatem publicè oppugna-  
vit Berengarius Andegavensis Dia-  
conus; sed à quinis Conciliis tanquam  
hæreticus condemnatus fuit, tandem  
que errorem suum revocavit & abju-  
ravit, vitamque adhuc ad nonum an-  
num catholicus produxit; in hora  
mortis magnis angustiis oppressus,  
quod à se seductos in errorem ad veri-  
tatem revocare nequit: atque in  
extremo agone hæc profatus: hodie  
mihi apparebis, ad meam salvationem  
ut spero, ob penitentiam meam, vel  
ad meam damnationem, ut timeo,  
proper eos, quos perversa doctrina  
mea decepi, & ad veritatem Sacra-  
menti tui reducere non valui, atque  
ita exspiravit; ut Bellarminus & alii  
Authores referunt. Hos secutes fuit  
post quinque saecula Joannes Calvinus  
& alii sectarii. Sed pravalet veritas  
catholica ore Chirilli prolatæ, tot sa-  
eculis credita, tot miraculis confirmata,  
tot Martyrum sanguine defensa; tot

Sanctorum & doctissimorum Patrum  
testimoniois roburata.  
II. Altera columnæ & fundamen-  
tum hujus ædificii, seu veritatis hujus  
sanctissimi Sacramenti est divina sa-  
piencia: de qua admirabundus excla-  
mat Propheta regius Psalm. 103; *Quam*  
*magnifica sunt opera tua, Domine omnia*  
*in sapientia fecisti.* 1. Sapientia  
est curare ut opera suis sint interpro-  
portionata & similia: unde nulla  
architectus sapiens ædificium constru-  
ens ex marmore, stramineum tandem  
imponit tectum; sed quod magnifice  
cepit, magnifice consummat. Chi-  
stus Dominus quantâ magnificâ  
redemptionis nostræ opus inchoavit  
& continuavit; poterat opus illud per  
Angelum facere, sed voluit magnifice  
per scriptum; poterat unâ gutta sa-  
guinis, sed voluit magnifice totius pres-  
fusionem: quemadmodum qui captivum  
posset redimere centum autem, ad  
magnificentiam & dilectionem sum  
ostendendam, exponeret centum ca-  
reorum millia. Sicut ergo Christus  
magnificè opus redemptionis inchoavit,  
ita & magnificè in ultima cena  
complevit, dando nobis, non frustum  
panis, ut Calvinus afferit, sed corpus  
suum sanctissimum; at sanguinis sui  
premit nobili & magnifico Sacra-  
mento, applicando nobis. *Omniam*  
*Sapientiam fecisti.*

2. Opus magnificum Dei fuit, cum  
synagogam populi Judaici per deser-  
tum ad terram promissam peregrina-  
narem, pane cœlesti pavit, Angel-  
orum esca nutritivissi populum tuum, &  
paratum panem de cœlo præfundi ius  
fuit

per labore, omne delectamentum in se habentem, & omnis saporis suavitatem; Et quæ erat synagoga Judæorum? erat ancilla & serva juxta Apostolum ad Gal. 4. Si jam Deus liberalissimus nobilem adeo panem dedit ancilla; quem dabit Ecclesia novi testamenti, sponzie sua dilectissima? an frustulum panis? absit, sed corpus & sanguinem suum nobilissimum. *Omnia in sapientia fecisti*, si enim pro corpore, quod gleba terra est, tam præclaras elcas dedisti, uicere sapientissima providentia tua pro anima, quæ spiritus est immortalis, escam longe nobiliorem reservavit.

III. Columna tertia seu fundatum, cui hæc sapientia domus innititur, est divina Omnipotencia, de qua ait Archangelus Gabriel ad B. Virginem Lucas 2. Non erit impossibile apud Deum omne verbum. & David Psalm. 113. *Omnia qua voluit Dominus fecit in celo & in terra*, atque iñ hujus Sacramenti institutione: memoriam fecit mirabilium suorum misericors & miserator Dominus, escam dedit timentibus scilicet Hoc Sacramentum est memoria, summa & compendiū omnium mirabilium, quæ tam in lege antiqua, quam nova Deus patravit. Accedit hic Judæus & querit, quomodo possunt hæc fieri? Respondeatur: ipse dixit & facta sunt. Deinde cum S. Cyrillo te Judæe interrogo? Quomodo ex iñstis ex Ægypto? quomodo virga moysi in serpentinem versa est? quomodo fontes ex perculo silice promanarunt? quomodo flumina mutata in sanguinem? quomodo pelagus, in duos veluti muros divisum est? si nescis, & tamen facta credis, ergo & hic tuum quomodo dicte. Accedit Hæreticus & querit quomodo hic potest nobis suam carnem

III.  
Divina  
potest.

K 3 nem

nem dare ad manducandum? Respondeo: quomodo Christus potuit aquam in vinum convertere? quomodo luto illito oculos cæci nati aperire? leprosos mundare, paralyticos sanare, mortuos suscitare? ipse dixit & facta sunt, tota ratio est ejus voluntas & omnipotencia. Agnosce igitur potentiam Salvatoris; qui ex nihilo potuit celum & terram condere; potest panem & vinum in corpus & sanguinem suum convertere. Accedit gentilis Philosophus, omnia secundum sua principia & axiomata Philosophica examinans & ait, quomodo potest una res esse in pluribus locis? quomodo res magna comprehendendi minimo spatio? quomodo tanta subito sit mutatio, accidentia sunt sine substantia? Fateor innumera sunt hinc miracula, miraculum in substantia, in accidentibus, in quantitate, in qualitate, in loco, in situ, &c. sed ipse dixit & facta sunt, memoriam fecit mirabilium suorum: ceterum si adhuc dubitas, vicius te interrogo, quomodo coeli, solis, lunæ, & stellarum tam grandium species potest esse in exigua oculi pupilla? quomodo facies una in centum simul relucere speculis? quomodo vox una simul in centum percipi auribus? quomodo vitis naturali virtute mutat aquam in vinum? & tu ipse panem, quem edis, mutas in carnem & substantiam tuam; si hac potest natura? quid non poterit Divina omnipotentia?

**IV.** Columna quarta & fundamen-  
tum hujus sanctissimi Mysterii est be-  
nignitas & amor erga homines:  
charitas.

IV. Columna quarta & fundamen-  
tum hujus sanctissimi Mysterii est be-  
nignitas Dei & amor erga homines:  
qui amor cum sit infinitus, mirari non

debemus, quod tam mira patrit: quousque matrem non impellit ma-  
ternus amor, omnis labor, omnis su-  
orum multorum molestia dulcis est  
amore filii. Quantus amor Pelican  
avis, qui rostro pectus lacera, & pul-  
los sanguine suo pascit: sic Christus  
Dominus nos carne & sanguine suo  
pascit, nimio succensus amore nostri,  
*Charitate perpetuâ dilexite, ait. Si quis*  
igitur cum Calvinio affereret, Christum  
figurâ nos pascere, longissime absit  
à charitate & benignitate Patris  
illius: *Qui proprio filio suo non pe-  
nit, sed pro nobis omnibus tradidit illum.*  
Et à charitate Filii, qui propter na-  
miam charitatem, quâ dilexit nos,  
nec sanguini, nec vita pepercit, id  
mortem crucis libens oppetiit; & à  
charitate Spiritus sancti, qui *Se effusa*  
*in nos abunde. Ad Tit. 3. v. 6.* Ita  
merito exclamemus cum S. Marii  
Magdalena de Pazzis: O adiuven-  
tiones! O amoris asylum! O amo-  
ris excessum!

Quapropter, cum quatuor colum-  
nas & fundamenta domûs & tridu-  
Sapientia intellectu erimus, esse Veri-  
tatem, Sapientiam, Potentiam & Benig-  
nitatem atque amorem: hac excitat  
& promovere nos debent. L. ad fidem  
firmissimam de hoc Venerabilis Sacra-  
mento eliciendam: Credo Christi cor-  
pus & Sanguinem esse in admirabili  
Sacramento, & hoc credo, quia prima,  
summa & æterna Veritas hoc edidit:  
*Hoc est corpus meum, hic est sanguine-  
us. Credo quod hoc sapientissime or-  
dinari, quia ipse est infinita Sa-  
pientia; credo quod tot mira, qua hic*

interven-

intervenient, possit patrare, quia ipse est ipsa omnipotens. Credo quod nobis corpus suum in cibum, & sanguinem in potum dare voluerit; quia ipse est infinita benignitas & charitas. 2. Ex hac fide resultat spes & fiducia; ut si eum in communione sacra sumamus, sive in tabernaculo templi clausi, & velut in throno Sacramenti residentem visiremus, salutemus & adoremus, omnia bona & dona ab ipso speremus; ideo enim invitat: Venite ad me omnes: ideo dies & noctes expectat. Et haec spes innitur sapientia, qua necessitates nostras novit, & potentiam, qua potest succurere. 3. Denique ex fide & spe resultat charitas, ut Dominum, plus quam ullus Pater aut Mater Filium, nos amantem, tenerrimè redamemus, illum honoremus, laudemus, adoremus, illique perpetuo amoris vinculo, in crebra communione, conjugamur.

## PRO FESTO CORPORIS CHRISTI, EXHORTATIO II.

Ostendit hoc Sanctissimum Eucharistiae Mysterium esse Sacramentum summi amoris.

T H E M A.

*Cum dilexisset suos, qui erant in mundo, in finem dilexit eos.*  
Joan. 13.

**R**efert S. Justinus descendisse in terras, unâ tenens faciem, alterâ scedam, cui inscriptum illud Luca 12. *Ignem veni mittere in terram: & quid volo, nisi ut accendatur?* Ignis iste amoris eluet in omnibus ejus mysteriis, vita & mortis; sed vix in ullo luculentius, quam in sanctissimo Sacramento Altaris, quod ideo verè dici potest *Sacramentum amoris*. Quare merito S. Evangelista Iohannes c. 13. 1. scribit: *Sciens Iesum, quia venit horae Iesus, ut transeat ex hoc mundo ad Patrem; cum dilexisset suos, in finem dilexit eos.* In finem, scilicet vita, ut exponit S. Augustinus; vel *In finem*,

ut